

麝香散治婦人短氣虛羸偏身浮腫皮膚急人所稀見方

麝香銖銖 雄黃銖銖 芫花

甘遂銖銖

右四味治下篩酒服錢五七老小以意增

減亦可為丸如小豆大強者服七丸無小

黃深師以蜜丸如大豆服二九日三治三焦決滿水在胃外名曰水病腹滿大在腹後有人參或分為丸服

治虛勞浮腫方

右灸太衝百壯又灸腎輸

孫真人備急千金要方卷之六十四

孫真人備急千金要方卷之六十五

宋朝奉節守太常少卿元松園松林德華校正

丁腫第一方二十九首 灸法一首

論曰夫稟形之類須存攝養將息失度百病萌生故四時代謝陰陽遞興此二炁更相擊怒當是時也必有暴氣夫暴氣者每月之中必有卒然大風大霧大寒大熱若不時避人忽遇之此皆入人四體頓折皮膚流注經脈遂使腠理壅隔榮衛結滯陰陽之氣不得宣泄變成癰疽疔毒惡瘡諸腫至於丁腫若不預識令人死不逮辰若著訖乃欲求方其人已入木矣所以養生之士須早識此方凡是瘡痍無所逃矣
凡瘡丁腫皆刺中心至痛又刺四邊十餘下令血出去血傳藥藥氣得入針孔中佳若不達瘡內瘡不得力
又其腫好著口中頰邊舌上見赤黑如珠子瘡痛應心是也是秋久寒毒久結皮中變作此疾不即瘡之日夜根長流入諸脉數道如箭入身投人不得動搖若不慎口味房室死

不旋踵經五六日不瘥眼中見火光神昏口乾心煩即死也

一曰麻子丁其狀肉上起頭大如黍米色稍黑四邊微赤多癢食麻子及衣布并入麻田中行

二曰石丁其狀皮肉相連色烏黑如黑豆甚硬刺之不入肉內陰陰微疼忌瓦礫磚石之屬

三曰雄丁其狀胞頭黑紫四畔仰瘡胞漿起有水出色黃大如錢孔形高忌房事

四曰雌丁其狀瘡頭稍黃向裏紫亦似炎瘡四畔胞漿起心凹色赤大如錢孔忌房事

五曰火丁其狀如湯火燒灼瘡頭黑紫四邊有胞漿起如赤粟米忌火炙燥

六曰爛丁其狀色稍黑有白癩瘡中潰潰則有膿水流仁五出瘡形大小如匙面忌沸熱食爛帛物

七曰三十六丁其狀頭黑浮起形如黑豆四畔起大赤色今日生一明日二後日三乃至十若滿三十六藥所不能治如未滿三十六

者可治俗名黑炮忌嗔怒蓄積愁恨
八曰蛇眼丁其狀瘡頭黑皮上浮生形如小
豆狀似蛇眼大體硬忌惡眼看并嫉妬人見
之及毒藥

九曰鹽膚丁其狀大如匙面四畔皆有黑
粟粒起忌食鹹物

十曰水洗丁其狀大如錢形或如錢孔大瘡
頭白裏黑膿汁出中硬忌飲漿水水洗渡河
十一曰刀鎌丁其狀瘡闊狹如薤葉大長一
寸左側肉黑如燒爍忌刺及刀鎌切割鐵刀
所傷可以藥治

十二曰浮瀝丁其狀瘡體曲圓少許不合長
而狹如薤葉大內黃外黑黑處刺不痛內黃
處刺之則痛

十三曰牛拘丁其狀肉炮起拍不破

右十三種瘡初起必先癢後痛先寒後熱
熱定則寒多四肢沉重頭痛心驚眼花若
大重者則嘔逆嘔逆者難治其麻子丁一
種始末惟癢所錄忌者不得犯觸犯觸者
即難療其浮瀝丁牛拘丁兩種無所禁忌

縱不療亦不能殺人其狀寒熱與諸丁同
皆以此方療之萬不失一欲知犯觸之狀
但春強瘡痛極甚不可忍者是也

治十三種丁方

右用拘杞其藥有四名春名天精夏名拘
杞秋名却老冬名地骨春三月上建日採
葉夏三月上建日採枝秋三月上建日採
子冬三月上建日採根凡四時初建建日
取枝葉子根等四味並曝乾若得五月五
日午時合和大良如不得依法採者但得
一種亦得用緋繒一片以裹藥取匝為限
亂髮雞子大牛黃梧子大反鈎棘針二十
七枚末赤小豆七粒末先於緋上薄布亂
髮以牛黃末等布上曝即捲緋繒作團以
髮作繩十字縛之熨斗中急火熬令沸沸
定後自乾即刮取搗作末緋繒以一方寸
七取拘杞四味合搗緋繒取二七和合前
一七共為三七令相得入分為一分早朝
空腹酒服一分日二
齊州榮堯方凡是丁腫皆用治之

牡蠣煨者 鍾乳 拘杞根皮各取

白石英而 桔梗半 白蘆石壹斤

右六味各搗細篩合和令調先取伏龍肝

九升為末以清酒一斗二升攪令渾澄清

取二升和藥檢作餅子大六分厚二分其

濁滓仍置盆中布餅子於籠上以一幅紙

藉盆上以泥酒氣蒸之仍數攪令氣散發

經半日藥餅子乾乃內瓦罏中每一重紙

一重藥遍布勿令相著以泥密封三七日

乾以紙袋貯置乾處舉之用法以針刺瘡

中心深至瘡根并刺四畔令血出以刀刮

取藥如大豆許內瘡上若病重困日夜三

四度輕者一二度著重者二日根爛始出

輕者半日一日爛出當看瘡浮起是根出

之候若根出已爛者勿停藥仍著之藥甚

安穩令生肌易其病在口咽及胃腹中者

必外有腫異相也寒熱不快疑是此病即

以飲或清水和藥如二杏人許服之日夜

三四服自然消爛或以物剔吐根出即瘡

若根不出亦瘡當看精神自覺醒悟合藥

以五月五日為上時七月七日次之九月九日臘月臘日皆可若急須藥他日亦得要之不及良日也脩合須清淨燒香不得觸穢母令孝子不具足人產婦六畜雞犬等見之凡有此病忌房室猪牛雞魚生韭葱蒜芸薑胡荽葵酒醋麩等若犯諸忌而發動者取枸杞根湯和藥服並如後方其

趙媿方

本
 薑石真拾 牡蠣抄兩 茯苓連
 枸杞根皮兩

右四味各搗篩合和先取新枸杞根合皮切六升水一斗半煎取五升去滓內狗屎崔氏云尿二升攪令調澄取清和前藥熟搗捻作餅子陰乾病者以兩刃針當頭直刺瘡痛徹投針出刮取藥末著急內瘡孔中勿令歇氣并遍封瘡頭上即脹起針挑根即出重者半日已上或已消爛挑根不出亦自瘥勿憂其病在內者外當有腫相應並

皆惡寒發熱疑有瘡者以水半盞刮取藥如桐子大五枚和服之日夜三服即自消也若須根出服藥經一日以雞羽剔吐即隨吐根出若不出根亦自消爛在外者亦日夜三度傳藥根出後常傳勿住即生肉

易瘥若犯諸忌而發動者取枸杞根合皮骨切三升以水五升煎取二升去滓研藥末一錢匕和枸杞汁一盞服之日二三服并單飲枸杞汁彌佳又以枸杞汁攪白狗屎取汁服之更良合訖即用不待乾所言

白狗屎是狗食骨其尿色如石灰故直言狗白屎也如預造取五月五日七月七日

九月九日臘月臘日者尤良神驗或有人忽喉中痛乍寒乍熱者即是其病當急以此藥療之無故而痛惡寒發熱者亦是此病但依前服之立瘥前後二方同是一法其用一同亦主癰疽甚效

治丁腫病忌見麻勃見之即死者方

胡麻 燭燼 針沙路等
 右三味為末以醋和傳之

又方石灰分 馬齒菜分
 右二味搗以雞子白和傳之

又方針刺四邊及中心塗雄黃末立愈神驗

又方鼠新塗土以小兒尿和傳之

又方鐵衣末以人乳汁和傳之立可

又方小豆花為末傳之瘥

又方以人尿尖傳之立瘥

又方以四神丹一枚當頭上安經宿根即出

矣

治一切丁腫方

右用蒼耳根莖苗子但取一色燒為灰醋泔澆和如泥塗上乾即易不過十度根即拔神良余以正觀四年忽口角上生丁腫造甘子振家母為帖藥經十日不瘥余以此藥塗之得愈已後常作此藥以救人無有不瘥者故特論之以傳後嗣丁腫方殆有千百皆不及此雖齊州榮姓方亦不能勝此物造吹易得也

又方取鐵漿每飲一斗立瘥

又方麩和臘月猪脂封上瘰

又方蒸蕪子一升燒灰醱醋和封上經宿便

瘰封上更佳

又方皂莢子取人作末傳之五日內瘰

玉山韓光方韓光治丁腫人也正觀初衢州

徐使君訪得此方

右用艾蒿一擔燒作灰於竹筒中淋取汁

以一二合和石灰如麩漿以針刺瘰中至

痛即點之點三遍其根自拔亦大神驗正

觀中用治三十餘人得瘰故錄之

魚臍丁瘰似新火針瘰四邊赤中央黑可針

刺之若不大痛即殺人治之方

右以臘月魚頭灰和髮灰等分以雞酒屎

和傳上此瘰見之甚可即能殺二用髮灰不

以雞子清和塗

又方以寒食餠傳之良硬者燒灰塗帖即瘰

治魚臍瘰頭白似腫痛不可忍者方

先以針刺瘰四畔作孔搗白苣取汁滴著

瘰孔內

又方傳水獺屎大良

治赤根丁方

右蔡白粉令黑蜜和傳之良

又方以新空鼠壤水和塗之熱則易

又方馬牙商搗末臘月猪脂和傳之根即拔

燒灰用亦可

犯丁瘰方

蕪菁根 鐵生衣外等

右二味和搗以大針刺作孔復煎蕪菁根

如針大以前鐵生衣塗上刺孔中又塗所

搗者封上仍以方寸七緋帛塗帖之有膿

出即易須更拔根出立瘰忌油膩生冷醋

滑五辛陳臭粘食

又方刺瘰頭及四畔令汁極出搗生栗黃傳

上以麩圓之勿令黃出從旦至午即根拔

矣

又方以麩圓瘰如前法以針亂刺瘰銅器煮

醋令沸瀉著麩圓中令容一盞冷則易之

三度根即出

又方取蛇蛻皮如雞子大以水四升煮三四

沸去滓頓服立瘰

又方燒蛇蛻皮灰以雞子清和塗瘰

又方取蒼耳苗搗取汁一二升飲之滓傳上

立瘰

又方灸掌後橫文後五指男左女右七壯即

瘰已用得效丁腫灸法雖多然此一法甚

驗出於意表也

孫真人備急千金要方卷之六十五